



## არასამთავრობო ორგანიზაციები ათ საარჩევნო ოლქში კანდიდატებზე გენოლის შემთხვევებს ეხმაურებიან

ბოლო დღეების განმავლობაში ვრცელდება ინფორმაცია, რომ სხვადასხვა ოპოზიციური პარტიების კანდიდატები, რომლებიც პროპორციული ან მაჟორიტარული სიით აპირებენ არჩევნებში მონაწილეობის მიღებას, საკუთარ კანდიდატურებს გენოლის შედეგად ხსნიან. ასეთ ფაქტებზე სხვადასხვა ოპოზიციური პარტიები საუბრობენ და არასამთავრობო ორგანიზაციებს შესაბამის ინფორმაციასაც აწვდიან. დაზარალებულები, ძირითადად, არ აკონკრეტებენ თუ ვინ ახდენდა მათზე გენოლას.

გარდა იმისა, რომ ადამიანის მიმართ მუქარა და გენოლა სისხლის სამართლის დანაშაულია, მნიშვნელოვანია ის გარემოებაც, რომ პარტიულ სიებში არსებულ კანდიდატთა რეგისტრაციის გაუქმებამ შესაძლოა სხვა საფრთხეებიც შექმნას. კერძოდ, საოლქო საარჩევნო კომისიებმა, პარტიულ სიაში კანდიდატების არასაკმარისი რაოდენობის გამო, შესაძლოა პარტია რეგისტრაციიდან საერთოდ მოხსნან. კანონით ამ მხრივ შემდეგი კრიტერიუმებია დადგენილი: თუ საარჩევნო ოლქში ამომრჩეველთა რაოდენობა აღემატება 75 000-ს, პროპორციულ სიაში მინიმუმ 15 კანდიდატი უნდა იყოს, ხოლო თუ 75 000-ზე ნაკლები, მაშინ – მინიმუმ 10 კანდიდატი. საარჩევნო კოდექსის მიხედვით კი, **თუ არჩევნების დღემდე არაუგვიანეს მეორე დღისა, რეგისტრირებულ პარტიულ სიაში კანდიდატთა რაოდენობა გემოაღნიშნულ მინიმუმზე ნაკლები აღმოჩნდა, გაუქმდება პარტიული სიის საარჩევნო რეგისტრაცია ანუ პარტია, ამ საარჩევნო ოლქში პროპორციული საარჩევნო სისტემის საფუძველზე, საკრებულოს არჩევნებში მონაწილეობას ვეღარ მიიღებს.**

ჩნდება საფუძვლიანი ეჭვები, რომ ოპოზიციის კანდიდატებზე გენოლა პარტიების სიების რეგისტრაციიდან მოხსნას ისახავს მიზნად, მით უმეტეს, რომ მსგავსმა ფაქტებმა უკვე ტენდენციის ხასიათი მიიღო. ამ ეტაპზე, ჩვენთვის ცნობილია ხუთი რეგიონის ათ ოლქში

# საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



მომხდარი მსგავსი შემთხვევის შესახებ:

## ქვემო ქართლი:

**დმანისში**, სადაც პროპორციულ სიაში კანდიდატთა მინიმუმი 10 ადამიანია, „ერთიანი ნაციონალური მოძრაობის“ 15 კანდიდატიან სიაში თავდაპირველად **ხუთმა კანდიდატმა (ალმამ რამზანოვი, ელმურამ გასანოვი, შახვადინ კოჯაევი, სტამბულ ყურბანოვი, მახმუდ ოვჩიევი)** მოხსნა კანდიდატურა. ერთი დამატებითი კანდიდატის მიერ სიაში ყოფნაზე უარის თქმა სიის გაუქმებას გამოიწვევდა. დღეის მდგომარეობით, ერთმა კანდიდატმა, ყურბან მამედოვმა რეგისტრაციიდან მოხსნის შესახებ გადაწყვეტილება შეცვალა და, ამ მომენტისთვის, საარჩევნო სიის რეგისტრაციიდან მოხსნის საფუძველი არ არსებობს. თუმცა ის ყოყმანობს და აცხადებს, რომ ურჩევნია, არ იყოს პარტიის სიაში. მამედოვი **ამბობს**, რომ ის და მისი ოჯახი უკვე შეწუხებული არიან დაფარული ტელეფონის ნომრიდან მიღებული ზარებით. „მშვიდად ცხოვრების საშუალებას არ მაძლევენ, მირეკავენ და მეუბნებიან, რომ უნდა დავტოვო პარტია“. დმანისში პრობლემები აქვს ასევე „ქრისტიან-დემოკრატიულ პარტიას“, სადაც მათ კანდიდატებსაც აიძულებენ, დაწერონ განცხადება რეგისტრაციიდან მოხსნის შესახებ. ხუთმა კანდიდატმა მოიხსნა რეგისტრაცია (ანდიაშვილი გიორგი - მაჟორიტარობის კანდიდატი და პარტიულ სიაშიც, ელდარ ფაქელიანი - მაჟორიტარობის კანდიდატი და პარტიულ სიაშიც, დავით ოგნაძე - მაჟორიტარობის კანდიდატი და პარტიულ სიაშიც, ლია ფილფანი - პარტიულ სიაში, მაჰმედ მაჰმედოვი - მაჟორიტარობის კანდიდატი და პარტიულ სიაშიც ) პოლიტიკურ გაერთიანება „ქრისტიან დემოკრატიული მოძრაობიდან“ (ნინო ბურჯანაძე - გაერთიანებული ოპოზიცია) რის შედეგადაც პარტიას გაუქმდა პარტიული სია და ისინი ვერ შეძლეს პროპორციული სისტემით არჩევნებში მონაწილეობის მიღებას.

**ნალკაში** საკუთარი კანდიდატურები მოხსნეს „ერთიანი ნაციონალური მოძრაობის“ დარაკოვის თემში ლეონ მიქაელიანმა და სარვანის თემში გულარა მამედოვამ. ამ უკანასკნელს განცხადება ჯერ არ დაუწერია, თუმცა კანდიდატურის მოხსნის თაობაზე საოლქო კომისიის თავმჯდომარეს უკვე შეატყობინა.

**მარნეულში** „ერთიანი ნაციონალური მოძრაობის“ კანდიდატი მარნეულის მუნიციპალიტეტის გამგებლის თანამდებობაზე ახმედ იმამყულიევი ადასტურებს, რომ მას ახლობლის მეშვეობით შეუთვალეს მოეხსნა კანდიდატურა, თუმცა არ ასახელებს ვისგან მოდიოდა აღნიშნული შეტყობინება.

თეთრიწყაროში კანდიდატურები მოხსნეს „ერთიანი ნაციონალური მოძრაობის“

# საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



კანდიდატმა - ჯანიკო გულუაშვილმა და მანგლისის მაჟორიტარობის კანდიდატმა ზურაბ ბადალაშვილმა, რომელიც პარტიის სიის მე-5 ნომერი იყო.

## **სამცხე-ჯავახეთი:**

ახალციხეშიც არანაკლებ 10 კანდიდატი უნდა ირიცხებოდეს სიაში. სალომე ზურაბიშვილის პოლიტიკურმა პარტიამ „საქართველოს გზა“ 11 კანდიდატისგან შემდგარი სია წარადგინა. წარდგენიდან რამდენიმე დღეში პარტიის სამმა კანდიდატმა (მანანა იაძე, იოსებ ასპანიძე, ნინო ნარიშანიძე) მოხსნა საკუთარი კანდიდატურა, რაც პარტიის პარტიული სიის რეგისტრაციის გაუქმების საფუძველი გახდა. ეს იმას ნიშნავს, რომ პარტია პროპორციული საარჩევნო სისტემის საფუძველზე, საკრებულოს არჩევნებში მონაწილეობას ვეღარ მიიღებს. ასევე, პარტიის ინფორმაციით, ბენოლის შედეგად „საქართველოს გზის“ ორმა მაჟორიტარმა (იოსებ მარტინენკო, ალექო თამარაძე) კანდიდატმაც განაცხადა საკუთარი კანდიდატურის გაუქმების შესახებ. საკუთარი კანდიდატურა მოხსნა ასევე „ერთიანი ნაციონალური მოძრაობის“ ახალციხის მაჟორიტარობის კანდიდატმა და პროპორციული სიის მე-12 ნომერმა მალხაზ ივანიძემ.

**ბორჯომში** საკუთარი კანდიდატურა „ერთიანი ნაციონალური მოძრაობის“ მაჟორიტარობის კანდიდატმა ივანე გელაშვილმაც მოხსნა. იგი პროპორციულ სიაში დარჩა, თუმცა კონკურენციას ვერ გაუწევს სხვა პარტიების მაჟორიტარ კანდიდატებს.

**ადიგენში** რამაზ მერაბიშვილმა, „ერთიანი ნაციონალური მოძრაობის“ უღის თემის მაჟორიტარობის კანდიდატმა და სიის მე-2 ნომერმა, საკუთარი კანდიდატურა ასევე მოხსნა.

**ახალქალაქში** „ერთიანი ნაციონალური მოძრაობის“ მაჟორიტარობის კანდიდატმა გენადი ბედგინიძემაც საეჭვო ვითარებაში მოხსნა საკუთარ კანდიდატურა.

## **მცხეთა-მთიანეთი:**

# საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



მცხეთაში „სახალხო პარტიის“ პროპორციული სიის სამმა (გიორგი გიგინეიშვილი, ილია ოსეფაშვილი, მამუკა მახარაშვილი) და მაჟორიტარობის ერთმა კანდიდატმა (დავით ოსეფაშვილი) განცხადებით მიმართეს პარტიას საკუთარი კანდიდატურების მოხსნის თაობაზე – აცხადებს „სახალხო პარტიის“ მცხეთის წარმომადგენელი ლაშა ბოლოთაშვილი. მისივე თქმით, კანდიდატებზე ზეწოლა მცხეთის მაჟორიტარმა პარლამენტის წევრმა დიმიტრი ხუნდაძემ განახორციელა.

## **კახეთი:**

დედოფლისწყაროში, სოფელ სამთაწყაროს „ერთიანი ნაციონალური მოძრაობის“ მაჟორიტარი კანდიდატი პაატა ნადირაძის განცხადებით, კანდიდატურის მოხსნასთან დაკავშირებით მათზე ადგილობრივი ხელისუფლება ახორციელებდა ზეწოლას. მაჟორიტარი კანდიდატის თქმით, მას ემუქრებოდნენ, რომ მის ძმას, რომელიც სპეცდანიშნულების რაზმში მსახურობს, პრობლემა შეექმნებოდა. „ერთიანი ნაციონალური მოძრაობის“ გამგებლობის კანდიდატის ემზარ ჯანაშვილის განცხადებით, ადგილობრივი ხელისუფლების წარმომადგენლები მას დაემუქრნენ, რომ თუ საკუთარი ნებით არ მოეხსნის კანდიდატურას, მისი მეუღლე, რომელიც შპს „სოკარ ჯორჯიას“ თანამშრომელია, სამსახურს დაკარგავს.

## **რაჭა-ლეჩხუმი-ქვემო სვანეთი**

**ლენტეხში** „ერთიანი ნაციონალური მოძრაობის“ მაჟორიტარობის კანდიდატმა იულონ ტვილდიანმა საეჭვო ვითარებაში მოხსნა კანდიდატურა.

არასამთავრობო ორგანიზაციები მოვუწოდებთ:

# საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



- **შინაგან საქმეთა სამინისტროს და მთავარ პროკურატურას, დაინტერესდნენ** ზემოთ ჩამოთვლილი ფაქტებით და აღკვეთონ საარჩევნო კანდიდატებსა თუ პარტიების აქტივისტებზე ყოველგვარი ზეწოლა. გავრცელებული ინფორმაცია შეიცავს დანაშაულის ნიშნებს, რა შემთხვევაშიც სამართალდამცავ ორგანოებს კანონი გამოძიების დაწყების ვალდებულებას აკისრებს. ამასთანავე, საკითხის მნიშვნელობისა და სავარაუდო მასშტაბების გათვალისწინებით, აუცილებელია, გამოძიება სწრაფად და ეფექტურად წარიმართოს, სისხლის სამართალდამცავი პასუხისმგებლობის დაუყოვნებლივ იქნენ მიცემულნი ის პირები, რომელთა ბრალეულობაც გამოძიებით გამოიკვეთება. მნიშვნელოვანია, შესწავლილ იქნას არსებული დანაშაულის ნიშნები და, საჭიროების შემთხვევაში, გატარებულ იქნას კანონით გათვალისწინებული სანქციები;
- **უნყებათაშორის კომისიას, შეისწავლოს** კანდიდატებზე სავარაუდო ზეწოლის ფაქტები და შესაბამისი რეკომენდაციებით მიმართოს სამართალდამცავ და ადგილობრივი თვითმმართველობის ორგანოებს;
- **ადგილობრივი თვითმმართველობის საჯარო მოხელეებს, არ გადაამეტონ** კანონით მინიჭებულ უფლებამოსილებებს, რამაც შესაძლოა მათი სისხლის სამართალდამცავი პასუხისმგებლობის დაყენება გამოიწვიოს;
- **პოლიტიკური პარტიების წარმომადგენლებს, ყველა მსგავს შემთხვევაში, მიმართონ** სამართალდამცავ ორგანოებს და, მედიისა და არასამთავრობო ორგანიზაციების მეშვეობით, საქმის კურსში ჩააყენონ საზოგადოება.